

Исломий ҳаммомлар ҳақиқий поклик ва саломатлик масканидир



12:09 / 02.02.2020 2987

????? ??????? ?????? ???? ?????? ??????? ?????? ??????
?????? ?????? ??????? ?????? ???? ???? ???? ????
?????: ???????? ?????????? ?????? ?????? ??????
?????????? ?????????????? ?????? ?????? ?????? ??????
????? ?????????????????? ?????? ?????? ??????????????
?????????? ?????? ?????? ?????????????? ?????? ??????????????

???????????? ???? ???? ?????????? ??? ???? ??????????.

???????? ???? ???? ?????? ??? ???? ??????.

Абдуллоҳ ибн Амр розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Албатта, келажакда сиз учун ажам юртлари фатҳ қилинур. Ўша ерларда ҳаммоллар деб аталадиган уйларни кўрасизлар. Уларга эркаклар фақат изор изорлар билангина кирсинглар. Аёлларни улардан ман қилинглар. Магар бемор, нифосли бўлсалар, майли», дедилар».

Абу Довуд ва Ибн Можалар ривоят қилганлар.

Бу ҳадисда Расулуллоҳ соллаллоҳу алайҳи васаллам келажакда бўладиган ишлардан хабар берганлар. Бу эса у зотнинг пайғамбарлик мўъжизаларидандир. Дарҳақиқат, ҳадисда айтилган башорат воқеликда содир бўлди. Пайғамбаримиз соллаллоҳу алайҳи васалламдан кейин саҳобаи киромлар ажам юртларини фатҳ қилдилар. Мазкур «ҳаммом» деб аталадиган уйларни ҳам кўрдилар. Улар ҳақида Пайғамбаримиз соллаллоҳу алайҳи васалламнинг висиятларини амалга оширилар.

Тарихчиларнинг гувоҳлик беришларича, ўша пайтда ҳаммоллар жуда кам бўлган. Борлари ҳам, ҳукмдорларга хос бўлиб, аслида фисқу фужурнинг, ифлосликнинг уяси эди. Шунинг учун ҳам Пайғамбаримиз соллаллоҳу алайҳи васаллам мусулмонларни ҳаммомга киришдан эҳтиёт бўлишга чақирганлар. Шариат ҳукмларига қаттиқ риоя қилиб, авратларини тўсган ҳолда киришни тайинлаганлар. Аёлларга эса фақат беморликда ва нифосдан покланиш каби тиббий мақсадлардагина рухсат берилган.

Мусулмонлар бу кўрсатмаларга амал қилиб, ҳаммолларни исломийлаштирилар. Уларда ношаръий ишлар бўлмаслиги учун барча чораларни кўрдилар. Исломий ҳаммоллар ҳақиқий поклик ва саломатлик масканларига айланди.

Бунга тарих шоҳид. Салбчилар Андалус (Испания) мусулмонларини аямай, бирма-бир тиғдан ўтказиб, уйларини хароб қилишганда ҳар бир уйда ҳаммом борлигини кўриб, «Бу нима экан?» деб ҳайрон бўлишган. Чунки у вақтларда овруполикларда ювиниш гуноҳ ҳисобланар эди. Мусулмонлар дунё маданиятининг етакчилари сифатида бу ишни ҳам қойиллатиб, ўрнига қўйган эдилар.

Мусулмон фуқаролар эса умумий ҳаммомларга тааллуқли ҳукмларни ҳамма учун қоида сифатида ишлаб чиқканлар. Бир неча минг йиллик тарихга эга бўлган бу ҳукмлар билан танишиб чиқкан одам Ислом маданияти қай даражага етганлиги ҳақида тасаввур ҳосил қилиши мумкин.

Хозиргача Исломий ҳаммомларнинг «турк ҳаммомлари» номи билан бутун дунёга машҳурлиги фикримизнинг далилидир. Келинг, қисқача бўлса ҳам, ана шу умумий ҳаммомлар ҳукми билан танишиб чиқайлик:

«Ҳаммомларнинг яххиси ўзи баланд, суви чучук, ҳарорати мўътадил, хоналари ўртacha ва биноси қадим бўлганидир.

Эр кишилар учун ҳаммомга киришга рухсат. Уларга у ерда ҳалол бўлмаган нарсалардан кўзларини тийиш вожибдир. Шунингдек, ўз авратларини беркитмоқ ҳам вожибдир. Агар бироннинг авратини кўришдан, биронга авратини кўрсатишдан саломат бўлишига ишонмаса, ҳаммомга бормасин. Умумий ҳаммомларга иштон (лунги)сиз кириш ҳаромдир» ва ҳоказо.

«Ҳадис ва ҳаёт» китобидан